



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola XCIII. Ioannis Papae VIII. Ad Arelatensem Archiepiscopvm.
Arelatensi archiepiscopo pallium concedit, vices suas commitens. monet
quid in causis difficilioribus sit agendum. arguit ...

urn:nbn:de:hbz:466:1-15967

Arelatensi archiepiscopo pallium concedit, vices suas committens. monet quid in causis difficilioribus sit agendum. arguit metropolitanos Gallicos, quod ante pallii receptionem episcopos consecrent. præcipit vt se certiorem faciat de his quæ gesta fuerint.

Arelatensi archiepiscopo.

ITAQUE fraternitati tuæ vices nostras in ecclesiis, quæ sub regno Galliarum sunt, iuxta antiquum morem, Deo auctore committimus, singulis quidem metropolitæ secundum priscam consuetudinem, proprio honore seruato. Pallium quoque concessimus quo fraternitas tua decoretur: sicubi autem longius episcoporum quisquam pergere forte voluerit, sine tuæ sanctitatis auctoritate, & ad loca alia transire non liceat. Si qua vero inquisitio de fide, vel fortasse aliarum rerum inter episcopos caussa emerferit quæ discerni difficiliter possit, collectis duodecim episcopis ventiletur atque decidatur: sin autem decidi nequiuert, discussa veritate ad nostrum iudicium referatur. Proh dolor! cum in Gallia partibus essemus, inter cetera vnum valde prohibendum inuenimus: metropolitæ antequam pallium a sede apostolica suscipiant, consecrationem facere præsumunt, quod antecessores nostri & nos canonico decreto ne fieret interdiximus. Vnde fraternitatem tuam per Galliam nostram vicem tenentem hortamur, quatenus super hoc sollicitudinem habeas, & ne istud adoleat, auctoritate prohibeas; & vt secundum antiquum morem quærere festinent moneas, incites, atque præcipias: & si ipsi obediunt, nec ne, nostro apostolatu semper omnia renunties, si potest in natiuitate apostolorum aut per vos, aut per nostrum legatum aliquem certis literis intimare ne differas. Omnipotens autem Deus sua vos protectione custodiat, honoremque perceptum vos in moribus seruare concedat. Data vt supra.